

Saineolaí sa Mhicribhitheolaíocht agus san Fhaireachas Móilíneach Feidhmeach

Aonad: Feidhmeanna Sláinte Poiblí
Tagairt: ECDC/AD/2021/PHF-EMAMS

Iarrtar iarratais ar an bpost thuasluaite mar Ghníomhaire Sealadach sa Lárionad Eorpach um Ghalair a Chosc agus a Rialú (ECDC).

Sainchuntas poist

Tá sé beartaithe ag ECDC cúigear a earcú chun an folúntas thuasluaite a líonadh. Tá sé mar aidhm ag ECDC freisin liosta ionadaithe a chur ar bun, a fhéadfar a úsáid chun aon fholúntas sa réimse seo a líonadh amach anseo.

Tuairisceoidh an Sealbhóir Poist do Cheannaire Grúpa an Ghrúpa um Micribhitheolaíocht agus Faireachas Móilíneach agus beidh sé nó sí ag obair sa Rannóg Faireachais san Aonad Feidhmeanna Sláinte Poiblí. Beidh sé nó sí ag obair go dlúth leis na foirne eile ón Rannóg Faireachais, ó na cláir ghalair agus ó aonaid eile.

Beidh an sealbhóir poist freagrach as na réimsí oibre seo a leanas go háirithe:

- Faireachas a bhaineann le galair shonracha a shainiú, a chur chun feidhme agus a dhéanamh in éineacht le tíopáil ghéanómaíoch chomhtháite, lena n-áirítear cuspóirí faireachais a shainiú, prótacail faireachais a dhearadh agus pleananna anailíse a fhorbairt;
- Sonraí tíopála géanómaíche a anailísiú, a léirmhíniú agus a chur in iúl, ar sonraí iad a thagann ó chórais a dhéanann faireachas sa ghnáthchúrsa agus i gcomhthéacs imscrúduithe ráige ilnáisiúnta. Bíonn sé i gceist leis sin tuairiscí faireachais agus tuairiscí ar ráigeanna a eisiúint, mar aon le moltaí maidir le galair a chosc agus a rialú;
- Comhordú a dhéanamh ar líonraí saotharlainne a bhíonn ag plé le galair shonracha, lena n-áirítear idirchaidreamh a dhéanamh leis na líonraí sin maidir le tionscadail shonracha, aiseolas a thabhairt, agus tuarascálacha agus aschuir eile a dhréachtú;
- Barrfheabhsú a dhéanamh ar bhainistiú agus cur i bhfeidhm na sonraí faireachais atá bunaithe ar thíopáil mhóilíneach, tacú le nuálaíocht na gcóras faireachais a bhfuil comhpháirteanna iontu atá bunaithe ar thíopáil mhóilíneach agus comhtháthú na gcóras sin i ghnáth-aschuir faireachais ECDC a áirithiú;

- Sainchomhairle micribhitheolaíochta a thabhairt laistigh de ECDC, do Bhallstáit AE/an Limistéir Eorpaigh Eacnamaíoch (LEE) agus don Choimisiún Eorpach i dtaca le sonraí atá bunaithe ar thíopáil mhóilíneach a anailísiú agus a léirmhíniú i ndáil le bagairtí sláinte poiblí ar AE/LEE de bharr galair theagmhálacha a bhrath, a mheasúnú agus a chur in iúl agus faireachán a dhéanamh orthu;
- Rannchuidiú le tionscadail mhicribhitheolaíochta agus iad a chomhordú, idir thionscadail a bhaineann le galar sonrath agus tionscadail a bhfuil gné thrasghalair ag baint leo. Tá sé ina aidhm le tionscadail den sórt sin tacú le forbairt acmhainní i dtaobh diagnóisice agus tíopáil ghéanómaíoch sna Ballstáit, feabhas a chur ar cháilíocht na modhanna diagnóisice agus caighdeánú a dhéanamh ar a gcáilíocht (e.g, trí mheasúnuithe seachtracha cáilíochta), oiliúint a chur ar fáil i réimsí sonracha, agus cur le luach agus tionchar na n-aschur micribhitheolaíochta;
- Rannchuidiú le mearmheasúnuithe riosca ECDC;
- Rannchuidiú le ceisteanna ó Pharlaimint na hEorpa, ón gCoimisiún agus ó na Ballstáit a fhreagairt;
- Rannchuidiú le gníomhaíochtaí eile de chuid ECDC, de réir mar is gá, ina réimse saineolais féin;
- D'fhéadfaí go n-iarrafaí air/uirthi a bheith páirteach i gcóras dualgais 24/7 ECDC.

Na cáilíochtaí agus an taithí a theastaíonn

A. Ceanglais fhoirmiúla

Chun bheith i d'iarrthóir incháilithe, ní mór duit sraith ceanglas foirmiúil a chomhlíonadh. Is iad a leanas na riachtanais atá i gceist:

- leibhéal oideachais arb ionann é agus staidéar ollscoile críochnaithe 3 bliana ar a laghad arna fhianú le dioplóma¹
- Eolas cruinn ar cheann amháin de theangacha oifigiúla AE agus eolas sásúil ar theanga oifigiúil eile AE sa mhéid is gá chun a d(h)ualgais a chomhlíonadh²;
- A bheith ina náisiúnach de cheann de Ballstáit AE nó de chuid na hIorua, na hÍoslainne nó Lichtinstéin;
- A bheith i dteideal a c(h)eart iomlán mar shaoránach³;
- Aon oibleagáidí a fhorchuirtear leis na dlíthe is infheidhme ar sheirbhís mhíleata a bheith comhlíonta aige/aici;
- Na riachtanais charachtair a chomhlíonadh maidir leis na dualgais atá i gceist; agus
- A bheith corpacmhainneach chun na dualgais a bhaineann leis an bpost a chomhlíonadh.

¹ Ní chuirtear san áireamh ach dioplómaí agus teastais a bronnadh i mBallstáit AE nó lena mbaineann teastais chomhionannais arna n-eisiúint ag údaráis sna Ballstáit sin

² Iarrthóirí a bhfuil teanga acu nach teanga oifigiúil AE í nó a bhfuil Béarla acu mar mháthairtheanga, ní mór dóibh leibhéal an dara teanga a chruthú le teastas (B1 nó níos mó).

Ina theannta sin, chun bheith incháilithe d'ardú céime trí nós imeachta bliantúil um ardú céime, ní mór do na baill foirne buneolas a bheith acu ar thrú teanga AE freisin, faoi mar a shonraítear sna Rialacháin Foirne agus sna Rialacha Cur Chun Feidhme is infheidhme.

³ Sula gceapfar é/í, iarrfar ar an iarrthóir rathúil deimhniú ó na póilíní a chur ar fáil, rud ina léireofar nach bhfuil aon taifead coiriúil ar bith aige/aici.

B. Critéir roghnúcháin

Tá critéir riachtanacha maidir le taithí ghairmiúil agus tréithe pearsanta/scileanna idirphearsanta sainaitheanta againn mar chritéir cháilitheacha don phost seo. Is iad sin:

Taithí ghairmiúil/eolas gairmiúil:

- Taithí ghairmiúil 5 bliana ar a laghad (tar éis an dioplóma a bhaint amach), ar caitheadh 3 bliana ar a laghad di i bpoist a bhfuil baint acu leis an sainchuntas poist;
- Céim ollscoile nó iarchéim sa mhicribhitheolaíocht agus/nó comhaltacht EUPHEM a bheith tugtha chun críche;
- Taithí ar chórais réigiúnacha, náisiúnta nó idirnáisiúnta faireachais sláinte poiblí a bhunú, a oibriú agus/nó a mheasúnú, ar chórais iad a bhfuil sonraí móilíneacha comhtháite iontu;
- Taithí maidir le sonraí comhtháite micribhitheolaíochta agus eipidéimeolaíochta a anailísiú, a léirmhíniú agus a chur in iúl i gcomhthéacs faireachais agus imscrúdaithe ráige, lena n-áirítear tuairisciú do phríomh-gheallsealbhóirí agus moltaí a eisiúint maidir le galair a chosc agus a rialú;
- Taithí maidir le measúnuithe seachtracha cáilíochta a dhéanamh nó staidéir bhailíochtaí a dhéanamh i ndáil le measúnacht diagnóisice, i saotharlann náisiúnta, réigiúnach nó áitiúil;
- Sárleibhéal Béarla, idir scríofa agus labhartha.

Tréithe pearsanta/scileanna idirphearsanta:

- Sárscileanna cumarsáide labhartha agus scríofa;
- An cumas a bheith ag obair i gcomhar le daoine eile agus dlúthchaidreamh ildisciplíneach oibre a chothú;
- Dírithe ar thorthaí a bhaint amach agus an cumas gníomhú as a stuaim féin;
- Scileanna láidre eagrúcháin agus an cumas oibriú faoi bhrú;
- Díriú ar ardchaighdeán a bhaint amach agus ar sheirbhís a chur ar fáil.

Ag brath ar an líon iarratas a gheofar, d'fhéadfadh an coiste roghnúcháin riachtanais níos doichte a chur i bhfeidhm laistigh de na critéir roghnúcháin atá luaite thuas.

Comhdheiseanna

Is fostóir comhdheiseanna é ECDC agus molann sé go láidir do gach iarrthóir a chomhlíonann na critéir incháilitheachta agus roghnúcháin iarratas a dhéanamh, gan aon idirdhealú bunaithe ar fhorais amhail aois, cine, polaitíocht, fealsúnacht nó creideamh, inscne nó gnéaschlaonadh agus beag beann ar mhíchumais.

Ceapachán agus coinníollacha fostaíochta

Ceapfar an sealbhóir poist de réir gearrliosta a mholfaidh an Coiste Roghnúcháin don Stiúrthóir. Is ar an bhfógra folúntais seo a bheidh an moladh ón gCoiste Roghnúcháin bunaithe. Iarrfar ar iarrthóirí trialacha scríofa a dhéanamh. Ba cheart d'iarrthóirí a thabhairt dá n-aire go bhféadfaí an togra a chur ar fáil go poiblí agus nach ionann ainm a bheith ar an ngearrliosta agus duine a earcú. Déanfar an gearrliosta iarrthóirí a ullmhú tar éis próiseas roghnúcháin oscailte.

Earcófar an t-iarrthóir rathúil mar Ghníomhaire Sealadach, de bhun airteagal 2f) de Choinníollacha Fostaíochta Sheirbhísigh Eile an Aontais Eorpaigh, go ceann tréimhse cúig bliana. Féadfar an tréimhse sin a athnuachan ina dhiaidh sin. Ceapfar an t-iarrthóir rathúil chuig grád **AD 5**.

Ba cheart d'iarrthóirí a thabhairt dá n-aire go gceanglaítear le rialacháin foirne AE go gcuirfeadh gach ball foirne nua tréimhse phromhaidh naoi mí i gcrích go rathúil.

Chun tuilleadh faisnéise a fháil faoi na coinníollacha conarthacha agus oibre, féach Coinníollacha Fostaíochta Sheirbhísigh eile na gComhphobal Eorpach, atá ar fáil ag an nasc seo a leanas:

<https://eur-lex.europa.eu/legal-content/EN/TXT/?uri=CELEX%3A01962R0031-20140501>

Beidh an post lonnaithe i Stócólm, áit a gcuireann an Lárionad a chuid gníomhaíochtaí i gcrích.

Liosta ionadaithe

D'fhéadfaí liosta ionadaithe a chruthú agus a úsáid chun críche earcaíochta sa chás go dtiocfadh folúntais den chineál céanna chun cinn. Beidh an liosta sin bailí go dtí an 31 Nollaig sa bhliain chéanna ina dtiteann an spriocdháta le haghaidh iarratas. Féadfar síneadh ama a chur leis an tréimhse sin.

Nós imeachta iarratais

Chun iarratas a chur isteach, seol iarratas comhlánaithe chuig Recruitment@ecdc.europa.eu, agus tagairt an fholúntais agus do shloinne á lua go soiléir agat i líne ábhair an ríomhphoist.

Lena chinntiú go mbeidh d'iarratas bailí, ní mór duit gach cuid riachtanach den fhoirm iarratais a chomhlánú. Ba cheart an fhoirm iarratais a chur isteach i bhformáid Word nó PDF. B'fhéarr í a bheith comhlánaithe i mBéarla⁴. Measfar aon iarratais neamhiomlána a bheith neamhbhailí.

Is féidir an fhoirm iarratais ECDC a fháil ar ár láithreán gréasáin anseo:

<https://ecdc.europa.eu/en/about-us/work-us/recruitment-process>

Is é an dáta deiridh le hiarratais a chur isteach an dáta a fhógraítear san fhógra folúntais i mBéarla. Tá tuilleadh faisnéise faoi stádas an nós imeachta roghnúcháin seo, mar aon le faisnéis thábhachtach faoin bpróiseas earcaíochta, le fáil ar ár láithreán gréasáin. Is féidir teacht ar an méid sin ach an nasc thuas a úsáid.

Mar gheall ar an líon mór iarratas a fhaightear, ní rachfar i dteagmháil ach le hiarrthóirí a dtabharfar cuireadh chun agallaimh dóibh.

⁴ Rinneadh an fógra folúntais seo a aistriú go gach teanga oifigiúil AE ón mbunleagan Béarla. Ós rud é gurb é Béarla an phríomhtheanga a úsáidtear in oibríochtaí laethúla na Gníomhaireachta, b'fhéarr le ECDC an t-iarratas a fháil i mBéarla.